



**NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE BANKETSAAL, MALMESBURY OP WOENSDAG, 20 SEPTEMBER 2023 OM 09:00**

---

**TEENWOORDIG:**

Uitvoerende Burgemeester, rdh J H Cleophas (voorsitter)  
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess  
Rdh T van Essen

Ander raadslede:

Rdh M A Rangasamy (Speaker)

Beampes:

Munisipale Bestuurder, mnr J J Scholtz  
Direkteur: Finansiële Dienste, mnr M Bolton  
Direkteur: Siviele Ingenieursdienste, mnr L D Zikmann  
Direkteur: Elektriese Ingenieursdienste, mnr T Möller  
Direkteur: Ontwikkelingsdienste, me J S Krieger  
Direkteur: Korporatiewe Dienste, me M S Terblanche  
Senior Bestuurder: Strategiese Dienste, me O Fransman  
Bestuurder: Sekretariaat en Rekordsdienste, me N Brand

**1. OPENING**

Die Uitvoerende Burgemeester verwelkom almal teenwoordig en open die vergadering met gebed.

**2. VERLOF TOT AFWESIGHEID**

Dat kennis geneem word van die verskonings ontvang vanaf raadslede N Smit en A K Warnick en die Direkteur: Beskermingsdienste, mnr P A C Humphreys.

**3. VOORLEGGINGS/AFVAARDIGINGS/SPREEKBEURTE**

**KENNIS GENEEM** van die mededeling deur die Munisipale Bestuurder dat die volgende fondse deur die Nasionale Regering onttrek is vir die bou van –

- Darling Hoërskool
- Toegangpad na nuwe skool in Ilinge Lethu.

Die komitee spreek hulle ontevredenheid uit oor die besluit van die Nasionale Regering, veral ten opsigte onttrekking van fondse vir die bou van die Darling Hoërskool, aangesien ouers deur die Departement van Onderwys aangeraai is om nie kinders elders in te skryf nie, omrede die nuwe skool sou realiseer.

**BESLUIT** dat, op versoek van die Uitvoerende Burgemeester, die publiek vroegtydig in kennis gestel word van die besluit van die Nasionale Departement en die impak van die onttrekking van fondse op projekte van Provinsie en munisipaliteite.

**4. NOTULES**

**4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 16 AUGUSTUS 2023**

**BESLUIT**

(op voorstel van rdh T van Essen, gesekondeer deur rdl D G Bess)

Dat die notule van 'n Gewone Uitvoerende Burgemeesterskomiteevergadering gehou op 16 Augustus 2023 goedgekeur en deur die Burgemeester onderteken word.

**4.2 NOTULE VAN 'N SPESIALE UITVOERENDE BURGEMEESTERSKOMITEE-VERGADERING GEHOU OP 18 AUGUSTUS 2023**

**BESLUIT**

(op voorstel van rdh T van Essen, gesekondeer deur rdl J M de Beer)

Dat die notule van 'n Spesiale Uitvoerende Burgemeesterskomiteevergadering gehou op 18 Augustus 2023 goedgekeur en deur die Burgemeester onderteken word.

**4.3 NOTULE VAN PORTEFEULJEKOMITEESVERGADERING GEHOU OP 13 SEPTEMBER 2023**

[Regstellings oorgehou as prerogatief van die onderskeie komitees.]

**5. OORWEGING VAN AANBEVELINGS EN SAKE VOORTSPRUITEND UIT DIE NOTULE**

**5.1 NOTULE VAN 'N PORTEFEULJEKOMITEEVERGADERING GEHOU OP 13 SEPTEMBER 2023**

**5.1.1 MUNISIPALE BESTUUR, ADMINISTRASIE EN FINANSIES**

**BESLUIT**

(op voorstel van rdl D G Bess, gesekondeer deur rdh T van Essen)

Dat die Uitvoerende Burgemeester die aanbevelings in die betrokke notule bekragtig.

**5.1.2 SIVIELE EN ELEKTRIESE DIENSTE**

**BESLUIT**

(op voorstel van rdh T van Essen, gesekondeer deur rdl D G Bess)

Dat die Uitvoerende Burgemeester die aanbevelings in die betrokke notule bekragtig.

**5.1.3 ONTWIKKELINGSDIENSTE**

**BESLUIT**

(op voorstel van rdl D G Bess, gesekondeer deur rdl J M de Beer)

Dat die Uitvoerende Burgemeester die aanbevelings in die betrokke notule bekragtig.

**5.1.4 BESKERMINGDIENSTE**

**BESLUIT**

(op voorstel van rdl J M de Beer, gesekondeer deur rdl D G Bess)

Dat die Uitvoerende Burgemeester die aanbevelings in die betrokke notule bekragtig.

**6. SAKE VOORTSPRUITEND UIT DIE NOTULES**

Geen.

## 7. NUWE SAKE

### 7.1 WYSIGINGS AAN DIE 2023/2024 DIENSLEWERING- EN BEGROTING-IMPLEMENTERINGSPLAN (SDBIP) (2/4/2)

Die Munisipale Bestuurder noem dat die goedkeuring van die Oorrol Aansuiwering-Kapitaal- en Bedryfsbegroting deur die Raad in Augustus 2023 tot gevolg het dat die SDBIP dienoreenkomstig moet wysig.

#### BESLUIT

(op voorstel van rdl J M de Beer, gesekondeer deur rdh T van Essen)

Dat die gewysigde Dienslewering- en Begrotingimplementeringsplan (SDBIP) vir die 2023/2024 finansiële jaar in terme van Artikel 54(1)(c) van die Wet op Munisipale Finansiële Bestuur (Wet 56 van 2003) goedgekeur word.

### 7.2 STIGTING VAN MUNISIPALE MODERERINGSKOMITEE (2/4/2)

Die nuwe Personeelregulasies, ingevolge die Plaaslike Regering: Wet op Munisipale Stelselwet, Wet 32 van 2000 bepaal dat die Munisipaliteit verantwoordelik is vir die stigting van 'n Munisipale Modereringskomitee.

Die hoofdoel van die Modereringskomitee is om toe te sien dat die norme en standaarde vir prestasiebestuur op 'n regverdige, realistiese en konsekwente wyse regoor die direkteorate van die Munisipaliteit toegepas word.

#### BESLUIT

(op voorstel van rdl D G Bess, gesekondeer deur rdl J M de Beer)

Dat die stigting van 'n Munisipale Modereringskomitee goedgekeur word bestaande uit die Munisipale Bestuurder (voorsitter), die Direkteure, die Senior: Bestuurder: Menslike Hulpbrondienste, die Senior Bestuurder: Interne Oudit en die Senior Bestuurder: Strategiese Dienste.

### 7.3 MANDAAT VAN DIE MUNISIPALE PRESTASIE, RISIKO EN OUDITKOMITEE (5/15/1/3)

Die Handves van die Prestasie, Risiko en Ouditkomitee bevat die rolle en verantwoordelikhede van lede en moet op 'n gereelde basis hersien word vir goedkeuring deur die Uitvoerende Burgemeesterskomitee.

#### BESLUIT

(op voorstel van rdh T van Essen, gesekondeer deur rdl J M de Beer)

Dat die Handves van die Prestasie, Risiko en Ouditkomitee deur die Uitvoerende Burgemeesterskomitee goedgekeur en deur die lede van die Prestasie, Risiko en Ouditkomitee aanvaar word om lede bewus te maak van hul verantwoordelikhede.

### 7.4 NOTULE VAN 'N MUNISIPALE PRESTASIE, RISIKO EN OUDITKOMITEE-VERGADERING GEHOU OP 22 MEI 2023 (5/15/1/3)

Die Ouditkomitee dien as 'n volwaardige onafhanklike komitee van die Raad en vervul sy funksie ingevolge die bepalings van artikel 166 van die Plaaslike Regering: Munisipale Finansiële Bestuurswet, Nr 56 van 2003.

Die notule van die Munisipale Prestasie en Risiko Ouditkomiteevergadering gehou op 22 Mei 2023 is met die sakelys gesirkuleer, en bevat geen aanbevelings aan die Uitvoerende Burgemeesterskomitee vir oorweging nie.

#### BESLUIT

(op voorstel van rdl J M de Beer, gesekondeer deur rdl D G Bess)

Dat kennis geneem word van die notule van die Munisipale Prestasie, Risiko en Ouditkomitee se vergadering van 22 Mei 2023.

### **7.5 BEGROTING VIR DIE ONDERHOUD VAN PROVINSIALE HOOFPAAIË: 2024/2025 FINANSIËLE JAAR (5/6/1/1/2)**

Die verslag bevat die beraamde uitgawes vir die instandhouding en rehabilitasie van Provinsiale Hoofpaaie binne die munisipale gebied wat jaarliks aan die Distrikpad-ingenieur voorgelê moet word vir oorweging en goedkeuring.

#### **BESLUIT**

(op voorstel van rdh T van Essen, gesekondeer deur rdl D G Bess)

- (a) Dat die begroting vir die Onderhoud van Provinsiale Hoofpaaie vir die 2024/2025 goedgekeur word;
- (b) Dat Transnet, as 'n saak van dringendheid, versoek word om alle spooroorgange in die Swartland Munisipaliteit se regsgebied te evalueer vir herstel en opgradering.

### **7.6 WYSIGING VAN DIE 2023/2024 PADKONSTRUKSIEPROGRAM (16/5/5/1)**

Die Direkteur: Siviele Ingenieursdienste gee agtergrond tot die afskaling van die Padkonstruksieprogram sedert die goedkeuring daarvan deur die Uitvoerende Burgemeesterskomitee op 17 Mei 2023. Behalwe vir die toevoeging van 5de Laan, Yzerfontein en Abattoirstraat, Moorreesburg word die afskaling te weeg gebring deur die volgende faktore wat nie bekend was tydens die aanvanklike beplanning nie:

- addisionele stormwater infrastruktuur vir Chatsworth;
- skuif van bestaande infrastruktuur;
- verhoogde koste aan laagwerke in Abattoirstraat, Moorreesburg weens die swak gehalte van die in-situ materiaal;
- geweldige styging in die koste van bitumen.

Die Munisipale Bestuurder, nadat komiteeledede hulle ontevredenheid uitspreek dat sommige strate geskrap is vanaf die padkonstruksieprogram, noem dat ingevolge wetgewing die paaie bekend gemaak moet word tydens die begrotingsprosesse. Dit is dus belangrik dat verwagtinge bestuur moet word en dat regstellings tydens die aansuiweringsbegroting gemaak word.

Die Munisipale Bestuurder noem dat daar interne gesprekke sal plaasvind ten opsigte van die beplanning vir opgradering van paaie om 'n herhaling van 'n drastiese wysiging aan die padkonstruksieprogram te voorkom.

#### **BESLUIT**

(op voorstel van rdh T van Essen, gesekondeer deur rdl D G Bess)

- (a) Dat kennis geneem word van die afgeskaalde en opgedateerde 2023/2024 Padkonstruksieprogram, aangeheg as Aanhangel B, en dienooreenkomstig goedgekeur word;
- (b) Dat die wysigings aan die begroting, wat te weeg gebring is deur die afskalings, deur middel van die 2023/2024 Aansuiweringsbegroting in Januarie 2024 aangebring word;
- (c) Dat verder kennis geneem word van die veriment van R750 000 uit die herseel van strate pos, CRR (9/110-724-838) na die konstruksie van nuwe paaie, CRR (9/110-725-841) vir die konstruksie van 5de Laan, Yzerfontein.

### **7.7 UITSTAANDE DEBITEURE: AUGUSTUS 2023 (5/7/1/1)**

'n Volledige verslag van die stand van uitstaande debiteure is met die sakelys gesirkuleer.

#### **BESLUIT**

Dat kennis geneem word van die verslag aangaande die stand van Swartland Munisipaliteit se uitstaande debiteure vir Augustus 2023.

### 7.8 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

#### BESLUIT

Dat kennis geneem word van die stand van uitstaande versekeringseise tot en met 31 Augustus 2023 soos met die sakelys gesirkuleer.

### 7.9 AFWYKING VAN DIE VOORGESKREWE VERKRYGINGPROSEDURES: VERVANGING VAN STROOM TRANSFORMATORS BY KLIPFONTEIN-SUBSTASIE (8/1/B/2)

Die Direkteur: Elektriese Ingenieursdienste noem dat met die toetsing van die nuwe De Grendel-substasie wat die nuwe Mall, De Swartland Werf-ontwikkeling, van elektrisiteit moet voorsien en wat die bestaande Klipfontein- en N7-substasies verbind, daar gevind is dat die kabel op die N7-toevoer by die Klipfontein-substasie nie aan die toetskriteria voldoen het nie.

#### BESLUIT

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om die dringende vervanging van die 11 kV Stroom Transformators by Klipfontein Substasie deur *ABB* ten bedrae van R67 505.26 (BTW uitgesluit) goed te keur;
- (c) Dat die rede vir die afwyking van die voorgeskrewe verkrygingsproses is dat die verswakking van die isolasie op die Stroom Transformators by Klipfontein substasie as 'n noodgeval op die netwerk beskou is om 'n langdurige onderbreking te voorkom;
- (d) Dat die uitgawe ten bedrae van R 67 505.26 (BTW uitgesluit) teen posnommer: 9/117-789-921 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

### 7.10 AFWYKING VAN VOORGESKREWE VERKRYGINGPROSEDURES: AANSTELLING VAN ELEPERT (PTY) LTD VIR DIE STUDIE INSAKE KOSTE VAN VOORSIENING EN TARIEFSTRUKTUUR (8/1/B/2)

'n Versoek is vanaf NERSA ontvang dat alle nutsdienste (Eskom, munisipaliteite en privaatverspreiders) wat vir tariefverhogings in 2024/2025 aansoek wil doen, 'n Koste van Voorsieningsstudie moet voorsien van nie ouer as 5 jaar nie.

NERSA het hierdie studie ook vir die 2023/2024 finansiële jaar versoek indien tariefverhogings bo die riglyn van NERSA goedgekeur was – die laaste studie deur Swartland is gedateer 2016/2017. NERSA het gevolglik 'n tariefverhoging van slegs 15,1% goedgekeur, teenoor die 18,49% goedgekeur deur die Swartland Munisipale Raad vir die 2023/2024 finansiële jaar.

Die Munisipaliteit beoog 'n regsGEDING teen NERSA, weens die verlies van inkomste oor die meerjarige begroting en NERSA se onvermoë om binne die bepalings van die MFMA te bly.

#### BESLUIT

- (a)/...

7.10/...

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om die verkorte aankope prosedure as 'n noodgeval goed te keur, ondersteun deur die potensiële verlies van 'n begrote inkomste ten bedrae van ongeveer R12 miljoen, vir die aanstelling van 'n diensverskaffer om die Koste van Voorsiening- en Tariefstruktuurstudie te onderneem ter ondersteuning van die Munisipaliteit se hangende hofgeding teen NERSA;
- (c) Dat die rede vir die afwyking van die voorgeskrewe verkrygingsproses aangeteken word as 'n noodgeval om die NERSA tariefaansoek vir 2024/2025 te ondersteun, as ook die dringende behoefte om die huidige regsaksie teen NERSA rakende die 2023/2024 aansoek te ondersteun;
- (d) Dat die uitgawe ten bedrae van R710 512.00 (BTW ingesluit) teen posnommer: 9/253-699-967 verreken word en dat daar voldoende fondse beskikbaar is;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

**7.11 AFWYKING VAN VOORGESKREWE VERKRYGINGPROSEDURES: DRINGENDE HERSTELWERK AAN PERMEATE POMPSTELSEL, NO 1 BY DIE MALMESBURY WWTW (8/1/B/2)**

Die Malmesbury WWTW is toegerus met membraantegnologie en word 'n *permeate* pompstelsels gebruik om die vloei van riool deur die membrane te laat geskied. Een van die pompstelsels het onklaar geraak en die vloei van riool deur die membrane met 25% verminder. Dringende herstelwerk is benodig ten einde die behandelingsproses te laat plaasvind en verdere skade aan die membrane te voorkom.

**BESLUIT**

- (a) Dat kennis geneem word van die afwyking van die voorgeskrewe verkrygingsprosedures ingevolge klousule 36(2) van die Voorsiening-kanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstelwerk aan die *permeate pump set*, No 1 by die Malmesbury WWTW, deur CAW ten bedrae van R79 210.00 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) indien die normale prosesse gevolg was, sou die pompstelsel vir 'n geruime tyd buite werking gelaat word;
  - (ii) voormelde sou lei tot 'n oneffektiewe behandelingsproses en onafwendbare skade aan die membraan wat die pompstelsel voer;
  - (iii) die herstelwerk by die Malmesbury WWTW is as 'n noodgeval gehanteer;
- (d) Dat daar voldoende fondse beskikbaar is en dat die uitgawe ten bedrae van R79 210.00 (BTW uitgesluit) teen posnommer 9/239-57-1041 verreken word;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

7.12/...

**7.12 AFWYKING VAN VOORGESKREWE VERKRYGINGPROSEDURES: DRINGENDE VERVANG VAN VERKEERSLIG SE SEINKONTROLLEERDER BY DIE BOKOMO/VOORTREKKERWEG KRUISSING (8/1/B/2)**

Die verkeerslig op die Bokomoweg-/Klipheuwelstraat-kruising is al vir 'n geruime tyd buite werking weens die seinkontroleerder wat opgegradeer moet word.

Die foutiewe verkeerslig skep 'n opeenhoping van verkeer tydens spitstyd en 'n onveilige situasie vir padgebruikers.

**BESLUIT**

- (a) Dat kennis geneem word van die afwyking van die voorgeskrewe verkrygingsprosedures ingevolge klousule 36(2) van die Voorsiening-kanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die vervanging van die seinkontroleerder by die Bokomo/Voortrekkerweg kruising, deur RVJ Works (Pty) Ltd vir die bedrag van R124 094.40 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) Die verkeerslig sou vir 'n geruime tyd buite werking gelaat word indien die normale prosesse gevolg is;
  - (ii) Die resultaat van voormelde sou gelei het tot voortdurende verlaagde dienslewering en verkeersophoping by die kruising;
  - (iii) Die vervanging van die seinkontroleerder is dus as 'n noodgeval hanteer;
- (d) Dat daar voldoende fondse beskikbaar is en dat die uitgawe ten bedrae van R124 094.40 (BTW uitgesluit) teen posnommer 9/247-1185-727 verreken word;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

**7.13 KONSEPBELEID: GEBRUIK VAN BURGEMEESTERSVOERTUIG (CK 1) 6/2/1/B**

Die beleid vir die Gebruik van Burgemeestersvoertuig, CK 1, is opgestel met die oog daarop dat 'n munisipale voertuig aan die Uitvoerende Burgemeester beskikbaar gestel moet word vir die uitvoering van sy amptelike pligte.

**BESLUIT**

(op voorstel van rdl D G Bess, gesekondeer deur rdl J M de Beer)

Dat die Beleid insake die Gebruik van Burgemeestersvoertuig (CK 1) goedgekeur word vir implementering met onmiddellik effek.

**7.14 YZERFONTEIN MUSIEKFEES, 16 TOT 17 DESEMBER 2023: GEBRUIK VAN YZERFONTEIN HAWE (1/1/3/9)**

'n Aansoek is ingevolge die Verordening insake Geleentheid ontvang vanaf West Coast Festivals (Pty) Ltd vir die hou van 'n musiekfees in die Yzerfontein hawe op 16 en 17 Desember 2023, daaglik vanaf 17:00 tot 22:00 vir 5001 – 10 000 persone.

Die Direkteur: Korporatiewe Dienste noem dat daar sekere dokumente nog uitstaande is, asook die kommentaar vanaf die Departement van Openbare Werke wat 'n groot gedeelte van die hawe besit en kan dit die aansoek beïnvloed.

Daar is ook sekere inwoners, soos ondervind in die verlede, wat nie geneë is dat die Yzerfontein-hawe vir hierdie tipe aktiwiteite gebruik moet word nie, spesifiek omrede die geraasoorlas wat veroorsaak word.

7.14/...

Daar word dus aanbeveel dat 'n publieke deelnameproses gevolg word om die publiek en betrokke organisasies se insette/kommentaar te verkry vir oorweging.

**BESLUIT**

(op voorstel van rdl J M de Beer, gesecondeer deur rdh T van Essen)

- (a) Dat 'n publieke deelname proses geloods word om die publiek se kommentaar in te win oor die aanbod al dan nie van 'n musiekfees in die Yzerfontein hawe op 16 en 17 Desember 2023;
- (b) Dat die voorneme om die fees te hou in die media geadverteer word, asook by wyse van 'n "knock-and drop" pamflet by geaffekteerde eiendomme, en dat die insette ook bekom word van die wykskomitee en van organisasies in Yzerfontein soos die Yzerfontein Inwonersvereniging, die Yzerfontein Bewarea, die Lynvisvereniging en Swartland Toerisme;
- (c) Dat, na gelang van die kommentare wat ontvang word, die Munisipale Bestuurder met volmag beklee word om 'n finale besluit te neem oor die aanbieding van die fees op hierdie skaal by die Yzerfontein hawe al dan nie.

**(GET) J H CLEOPHAS  
UITVOERENDE BURGEMEESTER**